

翰苑新書

第卅十冊

續集卷四十一之四十二

科舉類

及第類

生長類

新編翰苑新書卷之四十一

續集

科舉類

發舉謝顏教授

方烏山

鄉邦校藝屢先餘子之鳴胄監策勲遂玷主司之選衆咸稱於具眼私倍切於銘心竊以庠序科目之制旣殊教養選用之方亦異家自為學人無常師季有攷月有書殆匪進身之路言以庸藝以舉多非隸業之流故豪傑俯視學校而不來而妄庸幸有場屋之可覲若夫印可幸蒙於大匠明揚不出於若人真為鄉曲之美談非講師生之私謝伏念某全昧世事粗有天姿少也誦書見稱孺子之可教長而能賦深疑狀夫之不為逮研窮理義之味深覺馳騁科名之事淺欲絕意於利祿且用力乎聖賢念大父以經學登考亭之堂中歲已恬於進取家君以詞賦為莆中之

望襄年未免於竒窮詩書之緒轉寒戶門之檐至重勉追
時好終愧初心茲逢賓詔之來群集都城之下以緼袍之
極陋與純袴以爭先方懷鼓瑟之疑忽有得盧之喜齊飛
並駕人推兩陸之弟兄前引後從世擬三蘇之父子為榮
多矣是孰使之茲蓋伏遇某官太學名流聖門嫡派以負
荷斯文為己任以汲引後進為聖心粵從贊見之初即辱
賞音之重猶記告別特屢贈言謂作文不必求竒莫先平
易謂得名最惠太早當自矜持使非先生長者之曲成安
得門人小子之有造某取不少畚寸進仰答已知得進士
歸未足報相期之意到聖人處儘可為不朽之恩

代族弟謝鄉舉

方烏山

家庭課學不殊同隊之魚鄉里掄才遂與嘉賓之鹿駭所
罕見得之若驚切惟自有三載之科程老盡四方之豪傑
升沉一諉之命得失侶制乎天故觀前輩遠大功名率皆

早歲奮飛於場屋七歲神童者賈丞相十八狀頭者汪端
明卓乎偉哉噫其鮮矣伏念某原夫初學伊吾小生蘭茁
其芽人頗憐其秀慧筍根之稚衆皆意其抽萌蓋自大父
闢家塾以教兒孫伯祖有園池以接賓友三世推為善人
長者一里稱以聞家鉅宗嚴君兩預於薦書群從聯登於
監學乃如孺子亦有家風眼看舉子之踏槐興動少年之
折挂立萬蟻之陣略無佈容捧一鶚之書未是差事靖言
僥冒誰實作成茲蓋伏遇某官西州儒宗廣延魁彥士曰
時哉遇司馬誰無願休之心誰其主之有歐陽足想育材
之樂懌二焚香之拜温二勸駕之言方計吏之與偕至小
子而有造某取不志其遠者學以成之曲江題名取遽動
心於榮進互鄉潔己方將聽命於樞趨不知所裁非以為
謝

代趙丞謝解

方秋崖

哦竹突丞哉之負幾蓋溢於父書踏槐隨舉子之忙或擲
揄其兒戲取意鵠頭之選偶分麟趾之暉竊伏思惟適有
僥倖昔我皇祖篤叙宗盟迺賸箕裘易染膏梁之習俾同
韋布自收翰墨之功此豈直角無用之文亦因以觀平生
之蘊如曰志於得耳則吾夫何慊哉蓋場屋所以假塗寧
忝有唐之科目謂辭章特其餘事况復神堯之子孫凡我
銀潢無忘鐵硯如某者襟靈不韻骨相最凡雨寒幾落於
簷花所未傳者家學衫老半枯於荷葉亦多鄙其世恩澤
祖笏以未甘彈儒冠而良苦雖技止雕蟲之巧然功慙盡
虎之難意者丹成而九返其魂胡爲璞獻而三則其足場
屋恍驚於昨夢詔書又逼於秋風戰豈屢北耶雪案之燈
故在吾亦欲東耳雲衢之興甚高勇於請行幸而得雋此
蓋恭遇金玉右文之化丹青左戚之儒德裕不喜決科肯
爲詭論王吉欲除任子深厭庸流迺從吏於棘圍濫吹噓

於竽奏某取不挈蒐舊業就緒初心擊水而搏扶搖如借
鵬程之翼排雲而叫閭闔取嬰驪頷之鱗

代汪表姪謝解

方秋崖

聖天子新端平之政飭士習者再三鄉大夫登賢能之書
推禮經於第一凜有盧前之愧喜无牛後之朝何德堪之
爲倖多矣試嘗謂士生堯舜之世誰不欲身致晁董之科
矧惟琴瑟之更張豈復笙竽之雜襲風飛雷厲漢扎十行
地闢天開唐文一變迺酌計偕之額聿回儒學之心于然
而來卓乎其傑猶共逐中原之鹿人人自謂得之至獨爲
前列之龜區二祗有慙耳顧如某者僅若而人結髮從諸
公遊切效太平之典束書有四方志願爲君子之儒雖極
知文舉之才疎未易詆洛陽之年少一燈夜雪雨戰秋風
思昔故家起龍魚而洗日繫我季父有鷓鴣之在天寥乎
相業之無傳幸而書種之不絕賈子餘勇與衆先登孰云

揚批之前或歎穿揚之巧邑有故事人多誦言謂疇昔當
甲午之元嘗魁北斗以春秋無已亥之誤端冠南宮意其
氣數之循環俾此功名之破的茲蓋恭遇蜀文公之教化
今韓愈之聲光抉雲漢分天章涵浸詩書之澤呈琅玕叫
閭闔醞薰翰墨之香言觀才屈宋而道義黃將使家臯變
而人稷其玉我文明之治鏘然熙洽之朝有嘉燕凝不知
螽躍迄致遼東之獻亦空冀北之群某取不連茅拔之征
乘破竹之勢鳥之驚累百數而不如鷄已先雌伏之卑鯤
之大幾千里而化爲鵬遙借雄風之便丹衷所屬赤檣奚
彈

再薦謝太守

王驪軒

少而好賦嘗見齒於賢書壯當封侯尚何顏於文屋偶辱
明有司之選重書新進士之名况弟子之賢於師既叨首
薦而他人不如同父又獲聯名人稱之以爲美談已當之

獨有慚色伏念某箕裘晚出門戶早衰綴文幾至嘔肝苦
學惟知 嘗瞻十年以前之志豈信富貴之在天累戰不
利之餘方知窮達之有命開門授業仰屋著書謂若無所
用於一時亦將垂不朽於千載屬槐花之迫目徒覺激昂
認揚葉之舊穿未知中否賦不工於吐鳳墨誤點以成蠅
設非以後場而見收幾乎爲文衡之所棄荆山之璞獲售
合浦之珠復還親望因得以少寬朋舊亦憐其纒遇靖言
僥倖豈有夤緣某官宗主斯文之盟作成多士之氣治平
有第一譽已徹公車舉送餘四十人親爲勸駕致令么麼
再預甄收某取不益加駕鈍之鞭勉赴功名之會天其或
者道之行歟鴈序聯飛佇見齊名於鴈塔龍門高透未知
誰占於龍頭

發解魁謝游守

羅公壽

祖孫三世俱橫牛角之經父子十年兩占鰲頭之選家傳

魁脉喜動重闈得之不難榮則過甚春今瑞郡爲古儒邦
揭風節之標有三劉在得文章之印自二蘇來江山之秀
發愈奇河水之連通已驗煌二名世繼二有人冠南省而
位西樞先正之聲光可接上紫微而魁黃榜前科之步武
如某者蕞爾弱齡謏焉末學狀嬰孩而談性命覩顏涑水
之言事科舉而背聖賢刻意象山之戒雖微資稟取廢工
夫自十五六歲來已深慕聖人之學生十有九年矣亦頗
能奇氣之文懼世業之未昌鞭苦心而自礪侍慈親於精
舍躋聖之真從季父於齋宮窮經之奧但求以學古人而
行古道取便謂工時文而要時官漫浪詞場之游薄言觀
者僥倖賢書之獻非曰能之取圖小生新學之無庸乃誤
執事大人之見賞洛陽年少之賈誼姓名雖薦於吳公大
名孝子之張覃文行蓋先於寇準乃積薪之居上若揚糝

之在前顧揣分以奚堪祇爲親而自喜椿一株之未老桂
已重芳梨百果之所宗擅何取比歲令方更於十暑魁躔
竟萃於一門庭砌有輝里閭共慶先生驚嘆而避路謂有
此即小子談笑而覓封端在茲舉靖推僥冒決有遭逢茲
蓋共遇某官先生昭代儒真清時魁傑河南派脉聿爲程
氏之光泰北聲名誰似韓公之盛凜二廟廊之器洋二雅
頌之音自凌厲於穹華即蜚騰於英茂民庸甚偉賸遺愛
於甘棠朝蹟尤高早陞班於玉筍合從碧落徑啓黃扉乃
分錦水之符來續涪翁之賦慈祥一意政化雙行護善類
如護璧圭愛人才如愛桐梓主盟吾道增重斯文振揚舉
子之精神扶植倫魁之氣數遂今晚末亦累甄陶某取不
激昂初心磨厲素志發沉潛之義理圖遠大之勲名望榮
且之龍頭一籌自許題丙辰之雁塔重慶爲榮過此以還
不知所措

發漕解謝游瑞守

鄧林

覓舉初綾拂拭曾經於象管較文漕棘吹噓偶玷於鷄書
茲鄧仲華之得效寸名皆游伯始之不爲曲筆足未登於
畫戟身已在於洪鈞竊謂漕舉以收鄉曲之遺才登仕以
待門館之佳士故祖宗官之爲宰相之客在乾淳階此得
名儒者流自我皇大開進取之門而吾黨競借功名之徑
雖富民居多以貨而入然貧士亦或假韶以鳴三年大比
之興賢數路得人之爲盛如某者學徒泥古好每悖今初
看諸父之擢科芥如拾地長試有司而求舉梯若登天亦
嘗反觀其失意之文未始大戾於中程之作時未來而姑
順定有知高山流水之音志愈挫而益堅終不改上林甘
泉之技濩落半生之煮字崎嶇萬里之束書俗人笑其享
弊箒之千金識者知其懷連城之雙壁脫迹東華之軟士
犯身南粵之瘴雲梅花雪片之冬深偶逢青眼桂子天香

之秋老其柰白身尽傾十餘歲之筆耕以取三尺綾之試
具艱難圖此庶幾解額之稍寬僥覲得之聊奉慈顏之一
笑既得護身符而旅試必須大手筆之標題適方依仁道
院之州遂獲問字籤房之舍幸造物諒其窮之久俾假塗
繇此選而升餘甘齒頰之回已輸崖密高飛羽翮之舉莫
禦海鴻茲蓋伏遇判府寺丞郎中先生名世故家清門偉
望一麾作守樵川星渚之去思再轉爲丞農扈夏卿之分
贊未厭竹符之畀而爲芝瑞之來遂令客寓之蹤亦拜王
盟之力某敢不益勵鈍足隨試別頭集英斜日之丹墀倘
叨賜對高安朝天之舊路願看歸班感激維深敷宣罔既
發漕舉謝游守

簡應和

摸索暗中幸與西江之進士吹噓送上取忘北道之主人
由大鈞播物無垠而數路得人爲盛謹裁四六祇謝萬分
切惟 聖朝所以開公選之途士子所以應奉試之舉公

卿大夫多由是出寒暖下士宜向此求然鄉郡之額每甚
狹而難升雖豪傑之士有不能以自見不失荆山之璞則
遺滄海之珠幸九天寬雨露之恩而平地有雲霄之步學
優登仕千取百不爲不多名玷薦賢十其數惟精惟一非
謂藉龔黃之多賢而紆國計正欲得乾淳之名士以應時
需上方以是而招徠而亦由之而進取如應和者頗自卓
然每欲以古心而讀古書不肯爲時文以媚時好夜灯對
簡方寸聖賢曉鏡覽顏少年勲業念綾紙勅文偶幸以探
籌而得則黃鍾大呂或可雜濫字之吹方酣蟻戰於棘闈
果薦鶚書於菊榜况三兄三舉既發軔於巳酉之科一漕
一鄉復聯芳於壬子之歲鴈序等秋風之賜馬頭同雪絮
之春初匪偶然有自來矣某官受天間氣爲世真儒身考
亭夫子之鄉家定夫先生之學早榮階於計吏即晉陟於
革津幙泛蓮紅密勿籌帷之邃索持荷紫雍容府寺之班

盍徑位於公槐尚屈分於符竹士揖澗堂之潤人知道院之
文化未及暮政已成頌乃當紫詔興賢之際而隆黃堂勸
駕之忱遂令溝中之弃才亦收爨下之焦尾某取不着鞭
逸駕礪鋸新研精八吟义手之文厲三日別頭之戰姓名
題鴈塔魁標映堂吏之書兄弟躍龍津同榜皆狀元之選

回安慶發舉士人

附試江州

鄭雪岩

薦士觀諸侯之能歲貢當從於鄉郡權時講大比之禮賓
興乃屬於制垣正有媿焉何動謝也某官沐浴文翁之遺
化生長周郎之比隣脫跡於兵戈之餘舉目有江山之異
學書學劍深識三邊便宜於胷中習賦習經非弄斯文浮
華於筆下是謂賢者能者誠宜爵之祿之扁舟往來於長
江已聽雪絮馬前之曲聯騎遨遊於闌苑遂賦紅杏龍頭
之詩某徒忝分符有慚勸駕已知壁在秦城而名重將見
玉出崑山而價高式微式微胡不歸寧久鴻鴈流離之所

類我類我久則宵速乘蒲盧變化之機心之所期言不能盡

回新發舉進士 一縣中榜者五人 戴象麓

望重月評名登天府此舉得人多矣快哉五鳳之齊飛謬令若已得之喜甚双鳧之欲舞斯文之慶闔邑所同共惟

省元羅斗心曾凌雲志氣幾年螢雪周禮云飽參六。書

飽參百篇。賦云細哦八韻官商之詞萬里鵬風果中三物賢能之選

問里為之動色庠序有以增光以教考之東井五星之交聚得時行矣南山七日之難淹其濫宰鄭鄉喜觀祿薦然

此特文章之小效將大施勲業之宏規且辱投珠若為振

一觀於盛事其為慶抃固既敷宣 以孫 方壺山

榮都虎榜高剡鷄書久矣潛心究遺經之三傳哀然舉首

加元士之二人無預傳衣何為衞袖共惟 其人 為春秋學

異章句儒三萬六千言之用心務推研於紙外二百四十

年之行事多感慨於宵中驚將擊則伏深鷗久困則飛怒

氣骨如許定非常調之流具眼相逢當認魁文之樣前程

萬里來歲双元某取友未能貢賢何幸遙認銀袍之立鵠

侶穀梁家且看金榜之登龍必公孫子亟致多謝尚不一

書

回游監元 中 兄弟五人 方壺山

得雋虎闈聯芳鷄剡名家文獻多生謝砌之蘭文苑聲華

五折嶽山之桂先生問里慶溢堦庭有來衞袖之書想動

彈冠之喜伏惟其人箕裘粹學衣鉢高科為游先生之聞

孫典刑可想生朱文公之寓里趣操更高固當用力於聖

賢尤欲策勳於名第諒其游戲觚墨之際固已凌跨紈袴

之流遠到詎可量哉一第直易事耳佇楓宸之大對伴荷

橐以增輝某元預傳衣胡勤投壁鵬程萬里幸相勉以修
名龍首三人定不輸於他手

回熊解魁

東之 南康軍

方秋崖

籍甚文名老熊當道衰然舉首凡馬空群得聖人筆削之
心重鄉老賓興之選共惟妙探絕學獨抱遺經誰不黜伯
而尊王是陳言耳或者褒子而貶父如名義何放出一頭
了无衆手以此戰何不克得臣將寓目焉惟不矜莫與爭
晉霸在此行矣

回二名陳

大猷

方秋崖

衆人逐鹿何有何亡老手射鵰每發每中雖曹參之第二
知李廣之无双共惟熟講中庸卓為茂異許孟容有禮學
典章多所裁之公孫弘舉賢良郡國無以易也迄援袍而
再鼓又按幟以先登鹿洞古而聘君來莫如之子鼉洲圓
而狀元出其在此行

回發解第三名劉復

方秋崖

項羽敵萬不亦壯哉荀伯在三幾少屈矣歎伏老蒼之筆
驚嗟英妙之年共惟賦聲摩空詩才論斗文章有氣意其
與廬山高學問藏身乃亦如椰子大於此見士之秀何必
曰老而成勉旃此行逐兔研廣寒之桂母曰得意躍馬看
長安之花

回饒解元謝解

書義

方烏山

以月旦評上秋風榜怒飛幾千里久已為致遠之圖訓解
三萬言今始蒙稽古之力徒得君重何謝我為共惟某人
口吐雄辭曾蟠與義謂楚倚相讀九丘八索豈不迂哉笑
韓昌黎規五誥三盤空自苦耳踏槐充賦拾芥成名見說
古文已盡窺於孔壁勿云樸學行即對於漢庭某愧死不
治徒愛莫助從令北望聳看龍虎之榮觀尚俟南歸細問
科斗之奇字第慚後賀不稱先施

回棗解元謝解 春秋

方烏山

桂殿傳香棘闈奏捷所謂明素王之志惟春秋乎繇此附青雲之名何富貴也鶴袍爭羨虎榜有光共惟某人為今儒宗得古書法范甯解何休學外別出其功胡氏傳伊川序中默窺精意銳於再鼓奪此先籌慶元鴻樞欣有光於同業熙寧龍首會立見於亢宗某無可傳衣曷塵銜袖自夸摸索曩嘗見子之一斑取祝飛騰慎勿避人之三合

回漕舉傳夢登

方秋崖

邈江左右數路得人入洛弟兄一門盛事雖是漕闈之薦送亦增鄉守之光榮共惟特妙義經且工虫篆文高霞鶩又飛捲浦之雲氣壓斗牛要作築岩之雨乃從借徑亟與計偕幾千仞廬山高孰傾三峽五百人進士第今見二難

回漕舉傳仕龍

方秋崖

讀廬山高雅聞蒼處登滕王閣亟與計偕共喜傳岩之一家併取豐城之雙劍共惟不隨人後徑到畫前仕有為貧吾何嫌於覓舉學知不足自謂欠於讀書但即斯言可覘遠到一江左右已馳異路之聲華二難弟兄定作同年之期集

回進書免舉劉均

方秋崖

表聞北闕籍在南宮畫旨持招當有程伊川之故事呈身自贊豈緣蘇明允之權書伏惟超詣先天茂明大學皆有論著辛勤盡得其精微悉上進呈一覽實為之嘉歎乃免繇於鄉賦俾徑造於禮闈用則行舍行藏毋忘經訓招之來麾之去肯墮時流庶知鹿洞之有人亦俾龜洲之增氣

回免舉王子知

方秋崖

秋橫鷄表先我着鞭工歌鹿鳴待予勸駕曾共半窓之灯火願言一夜之風雷共惟自挾六官蚤游諸老三箭而天山定未害巧遲一舉而朔庭空令當凱捷要使故交之親

見迄留盛事於此行顧天下之事若積薪吾無患矣雖君子之交淡如水予日望之

及第類

代狀元及第謝東宮

此篇闕文

趙南塘

大夫而有孝弟聞必使為輔翼之具蓋玉質之既粹則金聲之迺遐比以言揚繇其教染故郡國舉茂異之等而鄉閭獻賢能之書多士以寧得人為盛允賴元良之正聿來黎獻之共茲錫第於丹墀宜薦誠於青禁伏念某等材竇足算枝亦無它徒知馴畝之愛君遂欲草茅而言事荷兩朝之率育丁三歲之比典輒妄試于有司不自量其无學見聞甚陋烏覩朝廷之宜悃悃則忠庶盡臣子之義方懼猥塵於宸覽豈期僉預於臚傳寵冒實多拜嘉取後雅崇經術敬接儒宗講就將於間燕之清贊涵泳於雍熙之洽

振滄雷之隆響有鷲皆飛揚少海之餘波何鯤不化遂令孱品亦玷賢科某等謹當允蹈初言篤持晚節射天門之策得之若鷲望甲觀之光敢不重拜

丙戌期集所代 巫魁上知舉程內翰

治

雪巖

滴露研朱尚作蠅頭之注磨煤書淡忽聯鼇首之名雖弗利於好竽抑无虞於按劍蓋難莫難於遇主樂莫樂於知音如是際逢若何報称切以馬畜出而文字見橐簡煩而科目興不謂上世開物之書反為後來干祿之具自世更三古人更三聖厄秦猶見於全經柰師自一說學自一家涉漢交持於異議天開我 宋時生鉅儒自開基首訪於孔堂故命講爰先於羲畫探索顧隱鈎窮淵深陳圖南悟其幾有李穆抽關而啓鍵周濂溪酌其妙有張程反本以尋源義理會其精微薛章準其竒法盖有關於世教豈徒擅於文場况六陽御乾之時正重明麗離之始不惟祖元

德以保合又將觀人文而化成雖當元默思治之朝不廢
選舉揚言之典必務得文躰之厚實斯克反古樸之胚暉
苟非其人有負此意如某者韋編未絕鐵硯欲銷旅食京
華微詠杜少陵辛酸之句足遍天下曾无太史公高邁之
風竒二似怪非求人知落二難合不與時偶戶外之屨雖
滿甌中之塵自如兩捉月以得蟾復遇風而退鷄有來問
學得吾道以能東反欲移文訪故山之在北已自甘於草
芥豈望收於桑榆未嘗有一日之長何以此群英之冠慊
然懷媿得之若驚茲者伏遇某官名重泰山脚踏實地借
虛太元論造微妙於象數之先太極經世書得旨趣於筌
蹄之外文章自為一家法道德卓為諸儒宗風節回眾流
而獨航議論為四方而立的當宁欲新於士檢詔公仍付
於文衡宋奉常再領省闈取王元之等皆知名士歐內翰
兼知貢籍降蘇子瞻亟疑是門生固知無明月之暗投自
恐乏陽春之寡和肆蒙采取倍切凌兢某取不味坤爻直
內之絳酬泰道包荒之量上期不負於天子下將無叛於
師門改箕子為麥滋寧襲專門之陋因周象識典禮庶通
治國之方一經品題永以銘刻

丙戌期集所代亞魁謝叅詳周司業 鄭雪岩

誦先生進學之規願為籍輩聽吾榜得人之語媿在盧前
進以公衡榮幸華袞取因展敬庸謹修絳切以師道立而
善人多教法備而英才出斯文非自為之高下君子誠默
提其重輕胡安定之掌成均始識体用之正歐陽公之司
禮部痛排險怪之非風日清晏而鳳皇和鳴雷霆震驚而
狐鼠讙伏唐文至正元而三度漢化逮建元而一新道不
虛行人為宗主上規姚似之混二下摩韓柳之蒼二以乘
百年興起之機盡掃積習委靡之弊庶光首選无忝言揚
如某者韋編一書鐵檠三尺青衿受業或馳籍甚聲皓首

窮經自起紛如之嘆抱荆山之璞自倚於泣下彈空桑之
瑟不工於求齊曾無元譚奇所作以流行但有馮宿見其
文而嘆息方將從鹿豕於天台泉石之下安望化鷓鴣於
霄漢風雲之間豈謂彩筆之吹生亦許枯根之向暖過眼
無五色之可取點頭有一字以爲褒未知性學而蒙理致
之稱素之風骨而辱雄健之予胡忝師誨以爲己榮茲蓋
伏遇某官心學精微性資冲粹以舊遊之冠帶鳴於槃之
鼓鍾沃之周情孔思之文盡霽贖馥賡以文王虞氏之操
默動真機道足以爲諸儒宗言足爲當世則轉移三光五
嶽之氣剖斷諸子百家之偏釵以鑄顏喟然予點繩墨旣
定楹榻兼收致使瓠虛亦能穎出某老當益壯凜然不彫
耻爲溫飽之圖勉竭忠孝之節經品題作佳士濫居舉子
之先懷仁義事吾君願整平生之學以茲銘德罔旣鎔粹

謝殿試編排官聶侍郎

王矚軒

數父執於慈恩之塔希若晨星稱門生於通德之鄉恍如
霄漢昔登堂不果恐涉私謝今假道徑去又將何辭僭飭
尺箋仰干丈席共惟某官日未東即收於魏第江以西莫
著其大名詩社揮毫妙思源泉之出地所庭抗疏精忠暇
日之有天下由介紹而結主知徑躡清華而登從橐劓裁
邦用鄙夷管晏之近功經略中原隘小孫劉之故畫詳審
乎事機之會更閱乎義理之多謂如根本之先強則於恢
拓也可待蓋知彼不知己皆料敵之淺謀而能發又能收
乃濟時之遠略屬北方之警言未息而西州之變復興人方
憂蜀道之難公往爲雪山之重至則事權之牽制加之飢
卒之跳梁身持尺檄以直前惟知死節神叱的盧之一躍
遂獲生還浮言何傷乎日月之明雅志已抗於煙霞之表
携諸郎於謝墅會名勝於午橋耆英之會狄公方春秋之
未艾中國即相司馬寧朝暮之少淹伏念某殖學代耕賣

續集 卷之四十一
文爲活元龍湖海之氣少也勃乎司馬山川之游今其倦
矣爲有阿嬰之養謾從舉子之勞兩玷鄉書一塵春榜迨
奉廣廷之對空臆尽言不知書生之踈轉喉觸諱痛國論
之未一憫邊釁之方開惜諸將多陷讒言乃授子儀之事
議宰相當存大体恐貽王吉之譏雖清朝許竭其愚忠而
時論或譏其太訐發矢將穿於楊葉及的輒差乘舟已迫
於蓬萊爲風引去向非借九鼎之力當不止三籌之輸副
本旣不上於中書賤刺亦羞通於光範至謝知己皆後衆
人俯仰何心并沉付分謂今得斗粟之祿可以无飢豈不
勝布衣之時難乎一飽茲迫瓜期之戌方登荷橐之門如
亮其今日之來非爲炙手當賜以片言之誨庶使書紳此
身已託大治之中他日冀軫遺簪之念但不負於素學是
爲報於異知雖禿千毫莫殫一感

及第謝太守

鄧進士林

射策太狂墮楓宸之末第脩辭往謝贊竹使之尋恭雖位
置之无堪然陶成之有日伏念某植姿頗戇抱識良偏少
也讀書常慕昔人之慷慨壯而覓舉每差今世之詭隨迄
齟齬以難投遂崎嶇而徧走玉龍洞裏曾窮天下之環觀
金鯽池旁婁盪日邊之勝槩不肯錄何爲栖二瞻言諸父
之收科妄期尅復偶荷名流之知己相與維持常携三尺
之綾晉扣千鈞之筆旣蒙飄灑更沐吹嘘俾寄運於水臺
遂登書於天府竟成藉手冒中別頭又從紫闥以試文方
許丹墀之奉對念一生之所學何可負君昧萬死以極言
但知愛國攻上身而稍力謹儲教以爲先讒夫女謁之當
防戚里官闈之宜抑上而鳳閣母久付於具臣以則烏臺
盍悉求於端士凡有諱而皆訐然非道則不陳披腹效忠
目哂杜園之賈誼殫心論事孰知豐旅之馬周司衡鑑者
媚之徹冕旒而難已甚安殿後詎復爭先弓矢紛披二嬪

角殿廷之射藝科條雜沓卷呈銓鎖之刑書誰能躁求姑
且靜退卷懷黃牒甘遲吏部之差歸着藍衫聊奉慈闈之
粲已爲僥倖曾出坯鎔茲蓋共遇某官伊洛淵源龔黃政
事以寬慈緩百姓鼓盪春風以義理淑諸生霑濡化雨皂
蓋朱轡再書於上考紫綸丹綉僉羨於中除遂使朱愚亦
題墨淡某取不棄持素守增益未能挹瑞彩於金芝已借
此時之披拂峻清班於玉筍尚祈它日之提撕暇倚采深
敷宣罔旣

回鄭狀元

性之

真西山

臚傳玉陛名冠璇魁自慶元屢策大庭孰若今日四門之
闢雖長樂昔多首選未聞同時三俊之登鯁論獲伸鷄行
相慶共惟某官正學傳心本洙泗之舊妙齡發聞有揚晏
之風適九重側席以思賢乃千里彈冠而應詔歷陳偉論
深究大原謂治亂安危之勢不常要致察於已回之始而

便嬖昵近之私易惑當預防於未兆之先惓二殫憂國之
忠鑿二盡適時之用昌言天下之事無諱有司親結人主
之知褒爲舉首夫旣擅儒之榮觀政須踵前輩之高風
昔呂文穆之事熙陵若王沂公之相 仁廟科名岌業旣
獨步於一時功業光明復可傳於萬世伊誰儷美允屬當
仁身到黃扉自是榮塗之素定名標青史要觀盛烈於无
窮某學本空疎識非超卓群多士而試以藝選掄雖預於
司存取一人焉按其尤裁擇端由於上意猥先枉駕辱况
長賤第深蘄望之情莫旣敷陳之悰

回孫榜眼

真西山

壁水蜚英夙高士望玉階上對果亞倫魁新六館之榮觀
壯七閩之盛事共惟某官清標絕俗勁氣橫秋學探精微
期欲造聖人之奧身居窮約常懷憂天下之心飭躬允蹈
於規繩抗志弗渝於金石比承清問獨罄丹衷鋪陳主德

隆替之由力辨國論是非之正雖明白峭直不爲媚俗之
言而溫厚深醇自得告君之體衆共稱於卓偉公特出於
緒餘夫旣都儒者之至榮要必慕古人之盛節昔 仁皇
帝旁搜於多士若韓魏公擢在於二人顧科第之相同不
知其幾而勲名之有爛獨到于今願恢它日之遠曷罔俾
前修之專美某濫陪較藝欽誦奏篇以直言取人蓋當守
留心之方切得名士報國在有司何力之足云猥先枉駕
之臨申賁長賤之况念友直友諒旣素辱於心期不以頌
以規其取忘於古誼

回馬探花

王臞軒

錫第彤墀陞華鼎甲馬名千里軒昂御榻之前鰲戴三山
縹緲仙蓬之上輔畿得雋士族稱榮共惟某官筆鼓風雷
曾吞雲夢居鄉必擇宛然一鶴之清風得姓最華籍甚雄
虹之加頌日未東而薦書屢上冀以北而聲價推高乃於

再駕以成功坐使群英之禱氣屬當初政尤重臨軒中庸
大學之書方垂咨問聖賢實理之用獨善敷陳發西洛之
正傳繹考亭之大義識微見遠憂治危明僉謂劉蕢空臆
之言出於董子潛心之業龍津一躍三十喜骨骼之成鵬
翼高騫九萬搏扶搖而上翌日报泥金之帖双親傾藥王
之杯一經教子以有功群兒祝身而願學榜花姓字已開
浮石之加祥汗竹功名更看伏波之大節某竦觀偉對深
嘆忠信皇展慶於赫蹠乃辱迂臨於油幕繡段之遺侈矣
瓊瑤之報慊然當年之射鵠頭突我班隨於龍尾一舉而
登虎榜期公身到於鳳池

新編翰苑新書卷之四十一

續集

Blank columns for text in the right-hand section.

楊友春

新編翰苑新書卷之四十二

續集

生辰類

賀景獻郎

方秋崖

天潢毓秀宗祐流暉駕鶴而朝中元先校長生之錄牽牛而臨七夕已傳乞巧之文併借良辰誕弥厥月某官謙以自牧卓尔不群鍾鼎神堯之子孫了無貴介冠冕宗周之旌姓雅有好脩蓋其稟間氣於長庚固已得異書於太乙錫之難老儀我睦親某叨與講論竊深贊頌富貴莫如進德尚迪前人之光清淨可以延年是為仁者之壽

賀張叅政

楊誠齋

日逢弘天年逐松椿有是君有是臣曾謂千齡之盛旦俾尔昌俾尔艾長觀八月之清秋樂事駢闐驩聲環匝某官儲精高嶽毓秀若川碩畫允勛久增光於政府沉機深識

獨軫念於邊庭雖一時議論之靡諧奈百世聲名之益壯
雲霾既掃日月方明爰誕告於治朝以寵還於書殿獨茲
均佚共以為疑與其抱高明之節而枕石漱流豈若舒父
鬱之才而興雲出雨亟符夢燕入相袞龍發舒未究之才
猷揚厲無前之勛業某比聞褒渥帥和慶緘犯顏宜擬於
深辜歲疾已欽於雅度報章下逮餽禮有加坐令山房岑
絕之區如得洞府珍竒之玩有懷銘刻無語發揚屬逢誕
日之臨敬拜長年之祝捧觴稱壽雖不能陪賓客之塵詎
昂得仙猶足以解塵埃之縛

賀趙文昌

方秋崖

五緯嚴天一佛出世用作霖雨是生未締之辰穆如清風
盡滌滄溟之暑祥開弥月允屬休期某官器傳而用周軀
莊而履粹右扶風左馮翊輦轂為清前左雄右山濤銓衡
倚重維天間氣鍾此鍾公共嘉降嶽之辰有偉如川之頌
日月焚玉甃而盥微露第瞻公姓之昂粹

謝余提舉賀生辰

鄭雪巖

手種甘棠之陰十年三到口誦蓼莪之句初度又逢荷公
高情畀余善頌某歲冉二以將至車皇二其何之幸遇
臺崇篤斷金之好重煩移具奏宣憂王之音適當膏澤之
及時宜有陽春之寡和誠不偶尔似有相之匪為壽祺相
對老翁之一笑尚期樂事同歡農畝之三登欣荷惟深敷
宣罔既

謝劉右司賀生辰

鄭雪巖

倦馬載馳誰云就熟分龍適紀又值初生問甘棠之陰尚
存誦蓼莪之詩有感言以贈也愛而壽之共惟某官價重
斯文交崇同類訪子雲而問字宅僅一區共坡翁而論文
書藏萬卷偶對黃金膏雨之霈遂賦白雪陽春之歌匪曰

維祺俾開笑口數絳縣人之甲子老自不知聞大庭氏之
宮商和而為敢其為感佩固既敷宣

謝衆官賀生辰

鄭雪巖

倦馬載馳誰云就熟分龍適紀又值初生訪甘棠之蔭尚
存誦蓼莪之詩增感豈謂同寅之高誼有憐甲子之餘年
相對黃金膏雨之應時遂賦白雪陽春之寡和誠不偶尔
似有相之匪為壽祺聊發老翁之一笑尚期樂事同歡農
畝之三登欣荷之私敷宣罔既

回丘漕賀生日

方秋崖

揆予初度頻驚潘鬢之霜惠我好音忽墮郢歌之雪厥有
嘉篚煉其盈門誼則重於斷金榮更深於倚玉屬茲多事
繫我何心豈有邊檄之飛馳正此師干之征調而乃尚記
出弧之日不為解甲之圖今何如時但欲捲錦鯨而還耳
辭不獲命勉其亨素鯉而蔽之

爛

回徐國錄

戊申生日

劉後村

吾衰也久矣拊初度而自驚歲晏孰華予獨交情之未厭
特紆麗藻以飾朽株共惟某官思欲凌雲文如翻水謂故
舊苟無大故胡忍棄遺念老婆非復少年強為塗抹所慚
醜質不稱好辭文一字綃一縑莫酬珍貺匱十重巾十襲
第謹寶箴

回王臞軒賀生日

方烏山

老成羈遊已斷六弧之夢故人遠訪先馳雙鯉之書惟愁
空谷之足音折了過門之屐齒良鄭重甚如悚愧何共惟
李白謫仙徐邈清聖五湖三江之氣落二不哀萬馬千兵
之文堂二可畏雖筆端之春麗尤交誼之歲寒每逢賤生
必贈好語政切彼美一方之望乃煩不遠千里而來水沉
侶盈尺之苓地粟如當瓜之菜復奏一闋真成三奇某愧
無雪兒可歌留與雲孫為寶清興不淺幸勿回子猷之舟

濁世可憐安得望王喬之履

回瑞守賀生日

康務本

養弗逮親方切蓼莪之劬瘁貴而好礼忽垂金璫之琳琅
愧甚循涯感深繫節某官身諧律度才叶宮商不矜榮戟
之尊惠然懷袖賸薦罇壘之具樂只街孟靖省襄遲末由
称塞七襄愧之羞吟瓊玖之詩十襲為榮留作子孫之寶
情深愧忽詞淺敷陳

回方教蒙仲

劉後村

老色上面空慚孤矢之垂大音希聲忽聽韶箭之奏燁然
藻嚴賁此哀遲某官膏次冰清毫端泉涌雖多識王翰李
邕知名之士然尚記孔融祢衡忘年之交時製新腔遂成
故事老夫老矣無能為也莫少稱於衮褒美人贈我何以
報之第謹歲於中襲

回太守游訥齋賀生日

楊監簿

五十八翁正白傳堪嗟之日萬有千歲借魯侯俾壽之詞
温然陽春華此遲莫某官黃鍾調古白雪才清漢吏烟幅
之無華孔門文學之克紹摩挲銅狄偉意氣之相期刻畫
無溢溢情文之於粲某未皇反壁有愧報瓊理三徑之荒
老之將至云尔受一屢之庇受之能勿勞乎

回黃都丞賀生日

方烏山

寒帷無力負愧桑蓬街袖過情有華蓋白陽春寡和肆夏
清辭共惟某官眼底標高音中韻勝嘯諾為一方之重使
君真不凡歌謠沸十里之聲太守能同樂似憐遲暮幸接
恩光增以黃石公之秘文或者方山子之仙分某躍然圭
誦深矣珍藏豈不自知耶恐孤盛意願切有復也便是明
朝明日黃都丞生日

回吳郎中

劉後村

老夫無能為忽焉老矣鄉人之善者惠然好之拊初度而

愛

箭

衰

失驚聞片言以自壯共惟某官人之麟鳳學者斗山負當
代少雙之才居大廷第一之選封平津拜丞相彼哉公孫
之阿諛相江都徒膠西甚矣董生之廉直力行古道尤篤
故交與懷淳熙之遺民曾是貞元之朝士烹鯉而得有素
書之甚勤籠鴟而歸無黃庭之可換高情鄭重暮齒光華
某稽首登嘉堆懷銘惠七十欲不踰矩願永佩於聖言五
年以長比眉焉敢當於兄事

回吳總侍賀生辰

方秋崖

熊旗西援未知解甲之期驪曲東來尚記垂弧之旦交情
厚甚時事奈何盡一夫向隅為主憂而四郊多壘則臣辱
盡共圖於嘗膽願何有於賞心駭觀厥篚之革愧負臨邊
之寄捲錦衾而還客始覺和平具朱綬以膺戎敢云耆艾

回徐監簿

劉後村

蓬矢以射四方負壯心而永慨朱絃之音一唱驚狸耳之

蓋

未聞藻思過褒蒼顏改觀共惟某官氣沮金石筆驅風霆
不窅二於諸公迺頻二於國學以史官榮韓愈孰云宰相
之知將科第放劉蕢大觸貴人之怒棄榮官如糞土重交
友如天倫援引過江之二賢寵加窮谷之一叟某虛蒙前
被自覺摧頽七十古來稀久相傳於斯語百年渾是醉敢
不舉於君觴

回趙倉賀生日

方烏山

蓼莪廢詠安知剛卯之臨皇華有行尚侈受辛之贈欲還
鯨錦又醜龍珠共惟某官捲織雲絲懷脩月斧攬轡發丹
山之道年度如神發廩繼青社之風歌謠正沸却送善頌
以輝頽齡某珍藏甚深瓊報何有老色上向方愁苑李之
笑人媚語熏心安得藥石而生我

回葉寺丞

劉後村

七十古來稀已踐暮遲之境一篇三致意喜聞倡歎之音

熒借過情哀陳增氣恭惟某官臨風玉樹承露金莖素負
大曆才子之名嘗在貞元朝士之列沉酣古製可追芝房
寶鼎之歌游戲新腔不減花間香奩之作念病翁之晚景
借貧女之隙光某心愧暗投誼難虛受痴年偶長獲接洛
英之游俚耳微聾徒聽郢人之曲

回太守游工部賀生日

趙制機

男子桑弧方動羨我之感外孫菴白遽蒙華藻之褒挹郡
將之謙光增塵氓之賁飾共惟某官氣鍾清淑學極淵源
惟派接乎考亭洙泗之波况心傳乎受齋伊洛之脉胷襟
錦繡允為岳牧之詞人歛咄珠璣豈謂文章之太守宜白
雪陽春之寡和有朱絃清廟之遺音節對菊英許共餐於
初度吟桂粟俾覓藥於長生腴矣贈言偉哉高誼某襲
歲筭篋寫入宮商雖家之雪兒莫稱黃堂之曲然市多墨
客競傳樂府之腔推謝采深敷宣罔既

回張倅癸丑生日

劉後村

病叟歸田不記劬勞之旦故人監郡忽貽要眇之音托之
新腔革此暮齒共惟某官風韻濯濯之柳辭章藹藹之雲
同時宰中牟宰密縣之流兢着鞭而速化歲晚相江都相
膠西而去獨佩玉而徐行挺然松栢後凋之姿念茲蒲柳
先零之質持絃廟瑟加賁門張分風月之笑談起烟霞之
痼疾樂府有將雛鳳真堪補舊譜之遺貧家無轉春鷓竟
虛辱詞人之惠欲伸銘激不覺嘖嘖

回鍾倅賀生日

方烏山

男子桑蓬嘆卯君之已老外孫薤日倚乙乘之多情圭復
再三珎歲什襲共惟某官兄之難弟吏者鉅師堂之相國
之風期清標似玉壘中郎之手法健筆如山稍試活人
之一班深得摛翰之三昧惠而好我何以報君某自撫頰
齡求懷盛意官情聊尔盍還方山子之古冠人世幾何請

覓鍾離翁之仙訣其餘心曲悉俟面陳

回卓教 得吉

劉後村

老夫耄矣與時好而背馳士者笑之獨鄉情之未棄鏗韶
鈞之入聽覺孤矢之有光某人文選青錢名標黃甲舉幡
而集闕下不亦壯哉衣錦而還故鄉可謂榮矣尚且念陳
人之華髮按曲子之新腔僕匪鄙人愧莫和陽春之唱君
如許劭得無累月旦之評既錄副以深藏聊搜枯而推謝

回王教 庚

壬子生日

劉後村

養親不洎豈勝年運而往之悲越邑相存足見歲寒後凋
之誼寵嘉至矣衰暮憮然共惟某官交道素隆詞鋒尤雋
昔鄭老客寒無疆之際嘗忝過從今翟公門可張羅之時
猶相記憶加惠始生之日遠貽絕妙之詞雖貧家素乏松
雪兒不能巧囀然同社豈無朽墨客可共賞音佩德采深
含毫莫寫 兩於字可刪

回莆田黃宰

甲寅生日供送

後村

柱下史休官幸退歲於暮景縣大夫好礼首存問於高年
自愧衰頽上煩記憶某官武城之調甚古山陰之譜寂優
辱絳老於泥塗深懲晉鄙之失遺杜陵以酒角尤見耒陽
之賢念野叟之垂孤命帑人而實篚幾於塞屋何止充庖
第鷓鴣之悲痛方新况熊魚之取舍宜辨退之羊玉川鯉
安敢累君侯之清安期棗張公黎已足為賓客之寵區
推謝 二費詞

回興化張宰

後村

閭中劉更生耄矣誤藜燈之照天上張公子燁然揮椽筆
之辭記憶良勤衰殘有覩某官宜給漢廷之札暫鳴車父
之琴問絳縣老人年深念泥塗之辱讀襄陽耆舊傳頗參
州里之評自製新腔以華暮景君不惜過情之吝人將起
泛愛之譏某虛負襟期第知中藪南有箕北有斗常嘆二

星之乘除愈為雲郊為龍安得四方而追逐輒憑思札少
荅珍投

回丁尉南一

後村

人生七十稀已踐暮遲之景古詩三百五忽聆風雅之音
華髮生光汗顏拜賦共惟某官騷壇巨壁藝苑英髦劉亮
精微之文源流諸父嘻笑怒罵之作贈南一時分張墨客
之賸殘假借陳人之枯槁某僅能朗誦深愧暗投續禹錫
前度看花之詩自嗟老矣誦令威何不李仙之句切有感
焉

回真直閣賀生日

烏山

髮種二矣安知初度之臨芳菲二兮莫住韶光之去懷哉
好友贈以妙歌共惟某官標韻峻清趣操奇異飽聞諸老
之議論浩乎沛然及交當代之豪英親其善者似憐今我
嘗事老師故愛之欲其生使聞者可以起某捲還不敢藏
去甚榮空谷有可食之苗難堪維命仙房多不死之藥請
錫乃圭略叙謝私專容侍見

回士友

秋崖

某面瘦頭班四十四當樂天謫宦之年口張角奮三星行
直韓子生辰之宿方倦鋤而荷月疇把酒以問天胡為黃
絹幼婦之受辛甫記絳縣老人之甲子甚慙善頌於富貴
何有哉有斐謝言亦貧賤驕人耳

新編翰苑新書卷之四十二

續集

蘇大芳

書